

երևում է Հ. Նիկողոսի վերոյիշեալ առաջարկութիւնը արձագանք է դառնում ս. Սննդի կողմից:

ԿԸԹՈՒԼԻԿ ԵԿԵՂԵՑԻ

Թէ որչափ է օգտւում դեռ կաթոլիկ եկեղեցին Փրանսիայի հովանաւորութիւնից իւր ազդեցութիւնը տարածելու համար արեւելքում, երևում է «Варж. Вѣд.» Պարիզի թղթակցի «Փրանսիայի կրօնական հովանաւորութիւնն արեւելքում, յօդուածից: Փրանսիական կառավարութեան պաշտպանութեան շնորհիւ այսօր եղուիտական կրօնական կարգերը հետեւեալ հաստատութիւններն ունին Տաճկաստանի քաղաքներում. հիւանդանոց, ապաստանարան, մանկանոց՝ Կ. Պօլսում, Ադրիանապօլսում, Սալոնիկում, Չմիւռնիայում, Երուսաղէմում, Բեթղէհէմում, Եաֆֆայում, Բայրութում և Տրիպօլսում:

Ուսումնական հաստատութիւններից յիշելի է Երուսաղէմում արեւելագիտութեան բարձրագոյն ուսումնարանն իւր սեմինարիայով, ուր արեւելեան քրիստոնեաներին կաթոլիկ դարձնելու եղանակն են ուսուցանում, Միկնոյն տեղում կայ աստուածաբանական դիմութիւնները դպրոց: Բէյրութում կայ եղուիտների հիմնած բժշկական ֆակուլտետը:

Պօլսում, Ադրիանապօլսում, Սալոնիկում, Չմիւռնիայում, Բէյրութում, Հալէպում, Բեթղէհէմում, Ռոդոսում, և այլն, ունին լիկիոններ, կոլլեջներ, պանսիոններ ու տարրական դպրոցներ:

Բացի այս Փրանսիայի հաշուով և նորա հովանաւորութեան ներքոյ հայ կաթոլիկներն ևս ունին եկեղեցիներ և ուսումնական հաստատութիւններ հետեւեալ քաղաքներում. Պօլիս, Բէյրութ, Էրզէրում, Էնկիւրի, Հալէպ: Ասորիքի կաթոլիկները Հալէպում և Դամասկոսում ունին նոյն տեսակի հաստատութիւններ: Այս բոլորի վերայ Փրանսիական կառավարութիւնը տարեկան ծախսում է մէկ միլիոնի չափ դրամ:

1902 թուի համար նախահաշիւ կազմող յանձնաժողովը պետական ծախսերի վերայ աւելացրել է և այս հաստատութիւնների վերայ լինելիք ծախսերը, որոնք և պալատում ձայների մեծամասնութեամբ ընդունուեցան:

Ապա թղթակիցը պատգամաւորների ժողովում հետեւեալ խօսքերն է մէջ բերում, որոնք վերաբերում են Արեւելքում Փրանսիայի ազդեցութիւնը զօրեղացնելու եղանակին: «Արդեօք աւե-

լի արամաբանական, հետևողական և նպատակայարմար շէ՛ր լինի՝ եթէ այսուհետեւ այնպիսի հաստատութիւնների միջոցով ազդէնք, որոնք աւելի աշխարհական բնաւորութիւն ունին, այն է՝ դպրոցների, հիւանդանոցների, և որոնց մէջ կարողանային մտնել մահմետականներ ևս, որոնք քրիստոնէութիւն ընդունելու ցանկութիւն չունին, կամ մտնէին այնպիսի քրիստոնեաներ, որոնք կաթոլիկութեան սէր չունին: Գուցէ առարկեն, թէ դա մեր հովանաւորութեան խնդրին հարուած կլինի: Մեր հովանաւորութիւնն էք ասում... Հայաստանի անողորմ կոտորածից յետոյ մեր հովանաւորութեան խնդիրը վերջացած պէտք է համարել:

Լևոն ԺԳ. Պապը իւր յօրեւեանի առթիւ մարտ ամսի առաջին հինգ օրը հինգ հարիւր յիսուն հազար (550,000) շնորհաւորական հեռագիր է ստացել և երկու միլիոնից աւելի նամակներ: Այս բոլոր թղթերը առ այժմ մի սենեակի մէջ են, և նոցա քրքրելու համար դոնէ երեք ամիս ժամանակ է հարկաւոր: —Հռովմի լրագիրները հաղորդում են, որ պապը մի նոր շրջաբերական է հրատարակել, որ կարելի է նորա կտակը համարել: Նա սկսում է Ասածուն գոհութիւն յայտնելով իրեն երկար կեանք պարգևելու համար և նորից կաթոլիկներին խրատներ է կարգում՝ ցաւակցութիւն յատնելով եկեղեցու դէմ եղած յարձակումների համար: Նա յիշում է ամուսնալուծութեան մասին եղած օրէնսդրութիւնը իբրեւ ժամանակակից մոլորութիւններից մէկը, և արդի հասարակութեան պատկերը դժելով՝ համոզում է, որ բոլորը դէպի Քրիստոս և հռովմէական աթոռը վերադառնան, որովհետեւ միայն այդ կարող է աշխարհի բարօրութիւնը և խաղաղութիւնը ապահովել:

— Ներկայումս Փրանսիայում մի բաւական աչքի ընկնող շարժում է սկսուել: Աղերականութեան, հեռաբար և պապականութեան՝ կատաղի թշնամիներից մէկը Փրանսիայում ամբողջ լուսաւոր աշխարհին յայտնի „Revue des deux Mondes“ լրագիրն էր: Իւր կիսադարեան գոյութեան ընթացքում այդ հանդէսը շատ դառնութիւններ է պատճառել պապին: Այդ յարաբերութիւնը փոխուեց անուանի Բրիւնետիերի խմբագիր դառնալուց յետոյ, որ հանդիսի հիմնադրի որդին է: Հանդիսի էջերում սկսեցին երևալ աւելի և աւելի ջերմ յօդուածներ յօդուած պապականութեան, և այն տեղը հասաւ, որ ինքը Բրիւնետիերը «Ռուսաստանը և Ս. Սթոռը» վերնագիրը կրող մի յօդուած դրեց, ցոյց տալու համար, որ Ռուսաստանը խաղաղութիւն և անդորրութիւն կգտնէ միայն Հռովմի աթոռի հետ դաշն կապելով: Սակայն այս ոգևորութիւնը շատ երկար չտևեց: Դէպի Հռոմ

կատարած ուխտագնացութիւնից նա այնպիսի տպաւորութիւններ էր ստացել, որ հասկացաւ իւր ոխալը, և պապականութիւնից Ֆրանսիային հասած նեղութիւնները կշռելով, փորձեց «Ֆրանսիական ազգային եկեղեցւոյ» գաղափարը վերակենդանացնել: Ահա այդ նորութիւնն է, որ այժմ շատերին հետաքրքրում և հետևողներ է գտնում:

— „НОВОСТІ“ լրագրի թղթակիցը յայտնում է, որ Վատիկանում եռանդուն կերպով պատրաստութիւններ են տեսնում Առն ժ. Գ. -ի գահակալութեան 25-ամեակը տօնելու համար: Եւրոպական տէրութիւնների կողմից արտակարգ դեսպանութիւնների են սպասում, և մինչև իսկ ասում են, որ Անգլիան էլ այդ հանդէսներին իւր ներկայացուցիչը կունենայ:—Յորեւեանի հանդէսները սկսուել են փետրուարի 20-ին (ն. տ.): Այն ինչ, իսկապէս պապի քսան և հինգ ամեակը լրանում է մի ամբողջ տարի յետոյ, այն է 1903 թ. փետր. 20-ին: Սովորաբար պապական յորեւեանները տօնւում են և երկարատեւ են լինում այն ժամանակ, երբ Վատիկանի գանձարանը դատարկ է: Եւ իրօք յորեւեանները մեծապէս նպաստում են գանձարանը լցնելու: Այս յորեւեանն էլ նոյնպիսի նպատակ ունի, և կարգադրիչ յանձաժողովը կաթոլիկ երկրներում ուխտաւորներին խմբեր է պատրաստել, այն յուսով, որ սրանք հետերը զանազան թանկագին ընծաներ կբերեն պապին:

Գերմանացի եպիսկոպոսներն ևս դիմումներ են արել իրենց հօտին—չինայեւ կոպէկները ո. Պետրոսի փոխանորդի գանձարանի համար: Բայց գերմանական մամուլը այնքան էլ լաւ աչքով չի նայում եպիսկոպոսների այդ վարմունքի վերայ, սրովհետեւ դեռ երկու տարի առաջ նոր դարամուտի առթիւ պապը յորեւեան տօնեց, որ ամբողջ տարի աւեց. եպիսկոպոսների հրաւերների ազդեցութեան տակ գերմանացի ժողովրդի աշխատած միլիոնները պապի գանձարանը մտան. միթէ, ասում են լրագիրները, այդպիսի կողոպուտի նորից պիտի ենթարկուի գերմանացի ժողովուրդը: Ինչ էլ որ զրեն լրագիրները, ուխտաւորները լիքը զբաւաններով Հռոմէն են դիմում պապին աղօթելու համար, որին ներկայացնում են իբրեւ մարմնացած Աստուած երկրիս վերայ:

Այս մասին անցեալներում բանակուիւ սկսուեց կաթոլիկներին և բողոքականների մէջ, և վերջինները տպացուցեցին, որ բարեպաշտ կաթոլիկների մէջ մինչև այժմս էլ պապին ուղղուած աղօթքների գիրքը մեծ յարգ ունի:

— Պապի անսխալականութիւնը պաշտպանելով հանդերձ՝ Վատիկանում գոյութիւն ունի մի աւելի մեծ անսխալական իշ-

խանութիւն, որը մեղսական բժեր է գտնուում նոյն իսկ պապերի անսխալականութեան մէջ: Եւ այս պատահել է հէնց Լեոն ԺԳ.-ի հետ: Լեոն ԺԳ.-ի կողմից նշանակուած յանձնաժողովը, որ քննում էր արգելուած գրքերը, ի վարմանս ամէնքի տեսաւ, որ այդ արգելուած գրքերի մէկի հեղինակը Լեոն ԺԳ. է: 1874 թուին, երբ պապը Յովակիմ Պեչչի էր կոչուում և Պերուջիայի արքեպիսկոպոս էր՝ «Ս. Կոյսի սրբազան արեան մասին» վերնագրով մի գիրք հրատարակեց: Յանձնաժողովը այդ գրքում մի հերետիկոսութիւն գտաւ և 1875 թ. այդ գիրքը արգելուած գրքերի շարքը մտաւ: 1878 թ. Յովակիմ Պեչչին պապ ընտրուեցաւ: իսկ նորա գիրքը արգելուած էլ մնաց. բաւականացան միայն հեղինակի անունը ջնջելով:

—Իտալիայում եկեղեցու և թաղաւորութեան մէջ եղած կռիւը վերջին ժամանակներս աւելի սուր կերպարանք ստացաւ շնորհիւ այն հանգամանքի, որ Վատիկանը ամուսնալուծութեան հարցի մէջ հէնց սկզբից վճռական և բարձր ոճով սկսեց խօսել: Վատիկի հոգևորականութիւնը պապի անունով մի զօրեղ արշաւանք է սկսել կառավարութեան ամուսնական հարցի վերաբերմամբ հրատարակած նոր կանոնադրութեան դէմ, և այդ արշաւանքը մեծ յաջողութիւն է ունենում հարաւային Իտալիայում, ուր կառավարութեան այս նորմուծութիւնը համակրողներ չի գտնում: Ինչպէս ասում է թղթակիցը, այս կանոնադրութիւնը հաւանականորէն նախարարութեան բաւական գլխացաւանք կպատճառէ:

ԲՈՂՈՒՔԱԿԱՆ ԵԿԵՂԵՅԻ.

1847-ից ի վեր Փրանսիայում հաստատուած կայ մի մեծ ընկերութիւն, որի տիտղոսն է Société Centrale protestante d'Evangélisation (բողոքական կենտրոնական ընկերութիւն աւետարանի տարածման համար): Նրա գործունէութեան շրջանի մէջ են բուն Փրանսիայում 71 նահանգ, իսկ Ալժիրում Փրանսիական 4 գաղութ: Ներկայումս այդ ընկերութիւնն ունի 180-ից աւելի քահանայ և աշխարհական քարոզիչներ: Նրա տարեկան բիւզջէն գեռ ևս 1901-ին բարձրանում էր 457956 ֆր.-ի:

Այս ընկերութիւնը վերջին 8 տարիները ընթացքում հիմնել է զանազան տեղերում 34 կայան. իսկ ներկայումս հետամուտ է հաստատուն գիրք գրաւելու Դորդոնիւր, Լոտ, Գէրս և Ժիրոնդ նահանգներում: